

skólans og fulltrúi fastráðinna kennara. Menntamálaráðherra skipar skólanefnd til tveggja ára í senn. Skólastjóri á sæti á fundum nefndarinnar með málfrelsi og tillögurétt. Fulltrúi frá Félagi íslenskra listdansara hefur leyfi til fundarsetu með málfrelsi og tillögurétt.

Formaður boðar til funda. Skylt er að kalla saman fund ef tveir eða fleiri nefndarmenn óska þess.

5. gr.

Skólastjóri ræður í samráði við skólanefnd, eftir því sem fjárveitingar heimila, kennara, undirleikara og annað starfsfólk að skólanum.

6. gr.

Rekstur skólans greiðist af:

- a) ríkissjóði, skv. sérstakri fjárveitingu í fjárlögum.
- b) gjöldum nemenda sem ákveðin eru af skólanefnd að fengnu samþykki menntamálaráðuneytisins.

7. gr.

Reglur þessar sem settar eru með hliðsjón af lögum um Þjóðleikhús nr. 58/1978 og reglugerð fyrir Þjóðleikhús nr. 549/1982 öðlast þegar gildi.

*Menntamálaráðuneytið, 25. nóvember 1991.*

**Ólafur G. Einarsson.**

*Knútur Hallsson.*

## REGLUR

### um starfsemi Íslenska dansflokksins.

1. gr.

Íslenski dansfokkurinn er sjálfstæður listdansflokkur sem starfar í tengslum við Þjóðleikhúsið. Málafni Íslenska dansflokksins heyrir undir menntamálaráðuneytið.

Íslenska dansflokknum er ætlað að viðhalda sígildri hefð listdansins flýttja samtímaverk og ennfremur að stuðla að nýsköpun í innlendra danssmíði og vera að öðru leyti vettvangur til eflingar danslistar á Íslandi.

2. gr.

Stjórn dansflokksins framkvæmdastjóri og listdansstjóri eftir því sem við á, bera ábyrgð gagnvart menntamálaráðuneytinu á rekstri flokksins, eignum og öllum fjárreiðum, gerð fjárhagsáætlana og reikningskilum og að allar starfsmannaráðningar séu innan heimilda fjárlaga hverju sinni.

Stjórn Íslenska dansflokksins og skólanefnd Listdansskóla Íslands skulu eiga sem nánasta samvinnu sín á milli um málafni listdansins, þ.m.t. samnýtingu húsnæðis, þjálfun og skrifstofuhald eftir nánara samkomulagi.

3. gr.

Menntamálaráðherra skipar stjórn Íslenska dansflokksins til fjögurra ára í senn og er stjórnin skipuð sem hér segir: Einn skipaður samkvæmt tilnefningu Listdansskóla Íslands, einn samkvæmt tilnefningu styrktarfélags Íslenska dansflokksins, einn samkvæmt tilnefningu Þjóðleikhúsráðs, einn samkvæmt tilnefningu Félags íslenskra listdansara, og einn án tilnefningar og skal hann vera formaður stjórnar.

Stjórn Íslenska dansflokksins hefur ákvörðunarvald um öll málefni hans, sjá þó 2. mgr. 2. gr. og 8. gr. reglugerðar um Þjóðleikhúsið. Hún heldur fundi svo oft sem þurfa þykir. Stjórnin ber ábyrgð á fjárreiðum og reikningshaldi dansflokksins. Hún lætur gera starfs- og rekstraráætlanir og undirbýr gerð tillagna um fjárveitingar.

Stjórn Íslenska dansflokksins gerir tillögur til Þjóðleikhússtjóra um ráðningu listdansstjóra, fylgist með starfi hans og flokksins og að starfsemi Íslenska dansflokksins sé í samræmi við fjárveitingar hverju sinni.

#### 4. gr.

Listdansstjóri er ráðinn af þjóðleikhússtjóra samkvæmt tillögum stjórnar Íslenska dansflokksins til þriggja ára í senn. Starfið skal auglýst að þremur árum liðnum. Endurráðning er heimil til allt að þriggja ára í senn.

Listdansstjóri veitir flokksnum listræna forystu, mótar stefnu hans í samráði við stjórn og ræður þjálfun. Hann á að stuðla að uppbyggingu flokksins með því að hafa stöðugt í huga ræktun og aðhlyningu listrænna hæfileika þeirra, sem þar starfa, bæði sem dansarar og danshöfundar. Listdansstjóri á sæti í skólanefnd Listdanskóla Íslands.

Listdansstjóri mótar verkefnaval í samráði við stjórn og framkvæmdastjóra. Hann gerir tillögur til stjórnar um ráðningu dansmeistara, listdansara, danshöfunda, tónskálda, stjórnenda, þjálfara og undirleikara eftir því sem fjárveitingar leyfa.

Hann skipuleggur allt daglegt starf flokksins ásamt framkvæmdastjóra.

#### 5. gr.

Stjórn Íslenska dansflokksins ræður framkvæmdastjóra til allt að þriggja ára í senn og er endurráðning heimil. Hann sér um skipulagningu hins verklega þáttar starfsins. Hann sér um fjármál flokksins, gerir kostnaðaráætlanir fyrir einstök leikár og hvert verkefni fyrir sig. Þá sér hann einnig um almenningsstengsl og kynningu á flokksnum og vinnur að því að koma honum á framfæri.

#### 6. gr.

Dansmeistari sér um þjálfun og æfingar í samráði við listdansstjóra.

#### 7. gr.

Stjórn Íslenska dansflokksins ræður listdansara að fengnum tillögum listdansstjóra eftir því sem fjárveitingar leyfa. Flokkurinn hefur heimild fyrir tveimur nemendsamningum að jafnaði, og skulu þeir samningar einvörðungu nýttir fyrir nemendur í listdansi.

Um ráðningu listdansara og framkvæmd hæfnismats skal fara eftir reglum sem stjórn Íslenska dansflokksins setur.

#### 8. gr.

Tekjur Íslenska dansflokksins eru:

- a) fjárveiting á fjárlögum
- b) styrktarfé
- c) sjálfsaflafé

Íslenska dansflokknum er heimilt að gera samning við aðrar stofnanir um samstarfsverkefni.

#### 9. gr.

Meðan Íslenska dansflokknum hefur ekki verið tryggð fullnægjandi sýningaraðstaða skal gerður sérstakur samningur við Þjóðleikhúsið um a.m.k. eina sýningu á stóra sviði leikhússins á ári hverju. Einnig skal semja við Þjóðleikhúsið um aðra samvinnu.

#### 10. gr.

Reglur þessar eru settar með hliðsjón af ákvæðum 20. gr. reglugerðar fyrir Þjóðleikhús nr. 549/1982 og öðlast þegar gildi.

*Ákvæði til bráðabirgða.*

Listdansarar, sem hafa verið fastráðnir dansarar í a.m.k. 8 ár við gildistöku reglna þessara og sem láta þurfa af störfum við Íslenska dansflokkinn vegna þess að þeir uppfylla ekki lengur listrænar kröfur listgreinarinnar, eiga rétt til námsstyrks í allt að 3 ár sem hér segir:

1. Eftir 8 ára starfsaldur = 80% launa í eitt ár.
2. Eftir 12 ára starfsaldur = 80% launa fyrsta árið.  
= 60% launa annað árið.
3. Eftir 16 ára starfsaldur = 80% launa fyrsta árið.  
= 60% launa annað árið.  
= 40% launa þriðja árið.

Réttur þessi er bundinn því skilyrði að eigi sé um að ræða rétt til annarra námsstyrkja eða námslána.

Skulu listdansarar skila stjórn dansflokksins umsóknum um námsstyrki eigi síðar en 3 mánuðum fyrir starfslok. Í umsókn skal greina m.a. hvaða menntunar umsækjandi hyggst afla sér og fylgja skal staðfest vottorð um námsvist.

Hefji styrkhafi störf á tímabilinu fellur réttur til námsstyrks niður meti stjórn Íslenska dansflokksins það svo. Ef sérstaklega er er um það sótt er stjórn Íslenska dansflokksins heimilt að geyma réttindin þar til allt að 2 ár eru liðin frá starfslokum hjá Íslenska dansflokki.

Listdansarar eiga rétt skv. þessu ákvæði til bráðabirgða næstu 3 ár frá setningu reglna þessara.

*Menntamálaráðuneytið, 27. desember 1991.*

**Ólafur G. Einarsson.**

*Árni Gunnarsson.*

**GJALDSKRÁ****um hreinsun taðþróa í hesthúsahverfinu við Kjóavelli í Garðabæ árið 1992.**

1. gr.

Af öllum hesthúsum í hesthúsahverfinu við Kjóavelli skal greiða taðþróargjald árið 1992.

2. gr.

Taðþróargjald skal vera kr. 50 000 á hvert hús.

3. gr.

Taðþróargjald skal greiða til bæjarsjóðs Garðabæjar og skulu gjalddagar þess vera hinir sömu og gjalddagar fasteignagjalda.

4. gr.

Gjaldskrá þessi, sem er samþykkt af bæjarstjórn Garðabæjar, með vísan til 4. gr. samþykktar nr. 439/1991 um notkun og hreinsun taðþróa við hesthús í hesthúsahverfinu við Kjóavelli, er hér með staðfest skv. lögum nr. 81/1988 um hollustuhætti og heilbrigðiseftirlit og gildir frá 1. janúar 1992.

*Umhverfissráðuneytið, 30. desember 1991.*

F. h. r.

**Páll Líndal.**

*Sigurbjörg Sæmundsdóttir.*